

讀史方輿紀要

卷六十二

讀史方輿記勝

卷之六

浙

江

浙江方輿紀要序

浙江之形勢盡在江淮江淮不立浙江未可一日保也曰越不嘗以此亡吳乎夫越之與吳抗也越實不足以敵吳而吳恒有吞越之志夫差敗越于夫椒棲越于會稽當是時固已無越矣而吳不取乃從而受越之愚越自知其不能報吳也與種蠡諸臣積謀蓄力數十年而後發之一旦使吳不虛竭其國疲弊其民殺其謀臣以資越越未可以得志也越既滅吳而江淮之地坐收之矣而越不能有也楚人從而奄有之蓋越之亡即肇于亡吳之日矣君子觀楚人有江淮而早知滅越者必楚也後代李子通竊餘杭而亡于江淮之杜伏威明太祖定金陵收江北然後從而覆偽吳亦其大較矣曰吳越不嘗以此立國乎夫吳越之立國也陰結與國厚賂中朝恃為形援而淮南以上游之力若不難翦此而後朝食吳越之敵國外患莫甚于淮南故其君皆勉強自立亦兼有將帥之材僅保其境內而不授敵人以隙然江淮雖與吳越為仇而吳越實藉江淮之衛吳越助中朝以攻南唐唇齒之慮宜無待李氏之昌言也處觸藩之會既不敢以背中朝力又不足以存李氏及李氏亡而惕然有孤立之懼矣籍地來朝不可緩矣是江淮之存亡即為吳越之存亡也宋之都臨安也亦然渡江之初奔亡倉卒江淮之藩籬未遑立也元术提兵躡江東陷建康自廣德直趨臨安進陷明越窮追海滙錢唐之波濤曾不能濡戎馬之足矣嗣是諸將力戰于江上于兩淮又遠而爭襄漢爭川陝然後藩籬益固而臨安可都矣迨其後也蒙古擾兩淮傾襄樊伯顏長驅入建康而江淮之險盡入于敵伯顏自建康分兵三道直指臨安壓卵之勢已成雖有智者不能為宋謀也猶謂浙江之命非江淮制之也乎然則浙江無當于得失之數乎曰奚為其然也夫浙江省南臨閩粵北輔金陵東禦島夷西走饒歙魚鹽粟帛財賦所資也其民習波濤善弓弩甲兵亦可用也但以僻在東陲湖山間阻以此爭雄天下勢有所難逮耳蓋嘗取浙江而籌之夫浙江在漢不及一郡之地東漢永建四年議者以會稽一郡周圍萬一千里山川險阻控馭為難因分浙江以東為會稽郡地而西則為吳郡孫氏分割以後建置始多大約兩浙之壤北盡江濱南極甌閩唐乾元初置浙江西節度使領昇潤宣歙饒江蘇常杭州湖州浙江東節度使領越睦衢台明處溫八州其浙西之地益推而廣之矣後又以浙西為鎮海軍領潤州及蘇常杭州睦其六州浙東為鎮東軍領越州及台明溫處婺衢共七

州後之言兩浙者皆以是為據錢鏐兼領鎮海鎮東兩軍而移鎮海于杭州不能有常潤也蓋已非兩浙之舊壤矣然而有吳郡則猶以江為境也今之建置并不逮吳越之疆矣如是而欲爭雄天下不誠難哉雖然時會何常且用兵之道亦在奇變而已夫浙江者震澤枕其北大海巨其東此奇變之資也吾用正兵以指平江敵不慮我之越海而來渡湖而至也則吾之計得矣何也自錢塘而放乎大海乘風破浪左江右淮因利乘便出入縱橫敵必不知其備也錢鏐討薛朗于潤州欲自定山下海門董搏霄自德清進擊項普魯于杭州曰吾若退保湖州使賊得乘銳趨京口則江南不可為矣夫杭州至京口未易信宿達也由海道而前則一帆可至耳震澤與蘇常接壤春秋時吳越已從而爭之六朝都建康以義興為重地東方有變必爭義興以其扼震澤之口也淮南南唐與吳越相持湖濱烽火星羅棋布明初亦自宜興出太湖襲敵之湖州蓋太湖在諸郡肘腋間與敵共險先乘者勝矣且自宜興以西道溧陽越東壩可直抵金陵也夫以東南而問中原則不能無事于江淮以浙江而問江淮則不能無事于湖海此必然之勢也若自安而出廣德由廣德而上東壩亦出奇者必爭之道而勢少力孤或未可遽達若東西齊舉水陸相因奇正相輔則偏師宜出其間矣淮南獨用之以攻吳越而卒無功金人蒙古用之兩陷臨安一則無備之國當方張之寇一則分道並進氣盛力強也至于仙霞入閩良為要途然漢代閩粵由會稽海道而進吳越取福州自温州越海而南元人入閩多自明州濟師明初平閩寇一自江西出杉關一自明州泛海竟掩福州實未嘗由仙霞也夫用間道者多奇功自昔然矣噫此亦就浙江言之耳有提衡六合之規者居上游而運中原浙江以南皆將傳檄而下望風而附如吳越已事正不必切切于浙江也或曰明太祖何以先圖兩浙乎曰明太祖實起千里南卧榻之旁皆戎首焉自不得不先為苞桑之計矣夫運量天下豈惟一途而子猶有刻舟膠柱之心哉

讀史方輿紀要卷八十九

崑山顧祖禹景范輯著
南昌彭元瑞芸楮校定

錦里龍萬寶堂校刊

浙江一

禹貢曰揚州周職方亦曰東南惟揚州許見春秋為吳越二國地在嘉興之語兒溪後并干越戰國時屬楚王四
十六年楚威王伐越破之其地其在天文亦斗分野也秦併天下屬會稽郡漢武置十三洲此亦為揚州地後漢因之
其王無疆盡取浙江以北地其在天文亦斗分野也秦併天下屬會稽郡漢武置十三洲此亦為揚州地後漢因之
三國時為吳地晉亦屬揚州宋孝建初分浙江東為東揚州領會稽東陽新安尋復入于揚州通典孝武置東揚州
而東揚州直云梁陳時亦分置焉隋大業初置十三州此仍為揚州地後為沈法興李子通等所據唐分十道此為
揚州既而復故梁陳時亦分置焉隋大業初置十三州此仍為揚州地後為沈法興李子通等所據唐分十道此為
江南道開元中隸江南東道五代時屬于吳越宋初為兩浙路分浙東西為兩路照靈中分合不一南渡後始定為
元置江浙等處行中書省至元十三年亡宋立兩浙都督府于杭州二十後為方國珍張士誠等所據明初平之洪
武九年置江浙等處承宣布政使司領府十一屬州一屬縣七十五總為里一萬八百九十九夏秋二稅大約而衛
所參列其中今仍為浙江布政使司

杭州府屬縣九

錢塘縣附郭仁和縣附郭海鹽縣

富陽縣

餘杭縣

臨安縣

於潛縣

新城縣

昌化縣

嚴州府屬縣六

建德縣附郭桐廬縣

淳安縣

遂安縣

壽昌縣

分水縣

嘉興府屬縣七

嘉興縣附郭秀水縣

嘉善縣

崇德縣

桐鄉縣

平湖縣

海鹽縣海鹽縣附郭

湖州府屬州一

縣六

烏程縣附郭歸安縣附郭長興縣

德清縣

武康縣

安吉州

孝豐縣

紹興府屬縣八

山陰縣 附郭會稽縣 附郭蕭山縣 諸暨縣

嵊縣 新昌縣 紹興衛三山所 附見

甯波府屬縣五

鄞縣 附郭慈谿縣

奉化縣

定海縣

象山縣

甯波定海衛穿山舟山霏嶺大嵩等所 又觀海衛龍山所 又昌國衛石浦錢倉爵溪等所 附見

台州府屬縣六

臨海縣 附郭

黃巖縣

天台縣

仙居縣

寧海縣

太平縣

台州海門衛前所新河桃渚健跳等所 又松門衛臨項楚門等所 附見

金華府屬縣八

金華縣 附郭蘭谿縣

東陽縣

義烏縣

永康縣

武義縣

浦江縣

湯溪縣

衢州府屬縣五

西安縣 附郭龍游縣

常山縣

江山縣

開化縣

處州府屬縣十

麗水縣 附郭青田縣

縉雲縣

松陽縣

遂昌縣

龍泉縣

慶元縣

雲和縣

宣平縣

景寧縣

温州府屬縣五

永嘉縣 附郭瑞安縣

樂清縣

平陽縣

泰順縣

温州衛平陽瑞安海安三所 又金鄉衛浦門壯土沙園所 又盤石衛浦岐寧材所 附見

東瀕海

嘉興以北接蘇州洋溫州以南接福州洋而寧台為瀕海之極衝紹興次之杭又次之東面之防以海為亟

南極關
衢處溫三府皆與閩接界而溫以平陽泰順為藩籬處則慶元龍泉為門戶衢州府江山縣之仙霞嶺則南北往來之喉隘也

西接重山

衢州以西接江右之廣信嚴州以西接江南之徽州湖州安吉以西與廣德為唇齒其間山谿盤錯間道所由非一途矣

北限五湖

太湖當湖州之北嘉興府之西北東出者為吳淞江又嘉興蘇松接壤處也其名山則有會稽

會稽山在紹興府東南十二里禹東巡狩至于會稽管子禹封泰山禪會稽吳越春秋山本名苗說者曰會稽者會計也禹會諸侯江南計功命曰會稽云山海經會稽山四方上多金玉下多珠石水經王會稽山亦名防山亦名鎮山又曰棟山越絕書棟猶鎮也與地志會稽山一名衡山有石狀

如覆碗亦名覆碗山道書稱會稽山周圍三百五十里有陽明洞為第十一洞天周禮職方揚州其鎮山曰會稽左傳哀元年吳人越越子以甲楯五千保于會稽史記秦始皇三十七年南遊上會稽祭大禹望于南海而立石刻頌秦德又二世元年南至會稽太史公自言上會稽探禹穴呂氏春秋九山一曰會稽後漢書永元元年會稽山崩梁書隋開皇十四年詔以會稽山

為南鎮大業六年穿江南河并置驛宮草頓將東巡會稽不果唐六典江南道名山曰會稽會稽之東三里曰宛

委山上有石匱壁立于雲升者累梯而上十道志石匱山一名玉笥有懸巖之險亦名天柱禹得金簡玉書于此

通甲開山圖禹至會稽宿衡嶺委宛之神奏王匡書十二卷又東南曰秦望山在府東南四十里高出羣山之表會稽志秦始皇登此望東海使李斯刻石焉今府西南別酈道元曰自平地超山頂七里縣登孤危峭路險絕攀蘿捫葛然後能升山之後又有望秦

山在府東南一名天柱峯一名卓筆峯秦始皇登此以望秦中也會稽之西曰法華山在府西南二十五里十峯聳峙下有雙澗會稽之西南曰雲門山在府南稱爲秀異要皆會稽之支山也陸參云夏后氏巡狩越山方名會稽後世分而爲秦望釐而爲雲門法華其寔一山也自始皇登此以望南海又陟天柱之高峯以望秦中于是知有秦望望秦之名今府城之南自西而東二三百里間羣山隨地立名者何一非會稽之支隴乎

天目

天目山在杭州府臨安縣西五十里於潛縣北四十里又湖州府安吉州西南七十五里高峻盤鬱爲西面之巨鎮唐六典天目山十道名山之一也元和志天目有兩峯峯頂各一池左右相對如目左屬臨石屬於潛今日東山東屬臨安西屬於潛其東峯東西二瀑布瀉流數里下注成沼曰蛟龍池即苕桐溪之上源郭璞地記天目山垂兩乳長龍飛鳳舞到錢唐東南地靈蓋鍾于天目矣道書天目山高三千九百丈周八百里爲第三十四洞天宋咸淳十年天目山崩說者以爲宋亡之徵也山崩後三年而今山有十二龍潭三十六洞其峯巒之奇者西則玉柱香爐象鼻爲最東則大仙將軍寶珠爲最其高險阻深欽敬瑰異不可殫究杭都賦山雄彰也凡三萬九千仞仰太虛自天目而外遠近諸山環繞林立皆若臣伏然豈非天開奇勝歟唐子霞云天目山一名浮玉山其山連亘于杭宣湖徽四州之界羅氏云天目山亘于杭湖兩郡間餘杭臨安於潛昌化皆在其陽安吉孝豐皆在其陰山之西麓與江南寧國縣接界爲西出之間道天下多事言地險者天目其未可略矣

四明

四明山在紹興府餘姚縣南百十里寧波府鄞縣西南百五十里亘兩郡之境蟠踞數縣由鄞縣小溪鎮入者曰東四明由餘姚白水山入者曰西四明由奉化雪竇山入者則直曰四明層巒絕壁深谿廣谷高過幽異孫綽賦云涉海則有方丈蓬萊登陸則有四明天台蓋靈仙之窟宅也唐六典江南道名山曰四明山經云山高一萬三一云八百里道家以爲山凡二百八十峯四面形勝各有區分中通一溪曰簞溪四明山記山東面七十峯勢如丹山赤水第九洞天山凡二百八十峯四面形勝各有區分中通一溪曰簞溪四明山記山東面七十峯勢如如奔牛號奔牛龍南面七十峯狀如驅羊有潤南出流百二十里歸于鄞江北面羣峯狀如走蛇蛇峭有潤深八山中七十餘里西面又有八峯狀如雷轟八麓山自餘姚白水山入東南行二十里有三朵峯

以三峯鼎足而立也三峯南有五朵峯狀若芙蓉五峰相望各六里其中中央即四明山羣峯之中有分水嶺石窗
心東西兩旁又有數峯錯峙芙蓉峯之東南為塞鳳巖入于鄞縣界其石即分水嶺也
四面玲瓏每大地澄霽望之如戶牖中通日月星辰之光亦名四窗故曰四明其巖洞岡嶺之屬隨地立名者以
數百計大抵餘姚上虞鄞縣奉化境內諸山以奇勝稱者皆四明也

天台

天台山在台州府天台縣西百十里志云在縣北十里云蓋縣境之山皆天台也亦名桐栢山山經云高一萬
里山有八重四面如一當牛斗之分上應台星故曰天台隋開皇十年楊素擊江南叛者別將史萬歲破沈孝徹
于温州步道向天台指臨海蓋山谷高深恐為遁逃數也縣北六里有赤城山乃天台之南門大六典江南道名
山曰天台其峯之名者曰九折峯在縣東北旁又有五峯正北為八桂東北為靈龕東南為前有雙澗合流號天
下四絕之一四絕者類要云齊州靈巖荆州玉泉潤州棲霞四勝之勝曰玉霄峯在縣北三十五里重巖疊嶂凌雲翳日其
曰紫凝峯縣西四十五里壁立于霄環絕掩映其相望曰相香峯在縣北六十里四面曰華頂峯在縣北六十里
大絕頂東望滄海俗稱望海尖少晴多晦真猶積雪自下望之若蓮花之萼亭亭獨秀因名此天台之第八重為最高
處李白云天台隣四明華頂高百越是也曰天姥峯在縣西北里其峯孤峭下隣嵎縣仰望如在天表又有金地嶺在
西二十里金地嶺則亦銀地嶺與金地嶺相接八桂嶺在縣北五十里孫綽天台賦百丈巖有潭其水雖旱不竭
曰佛龕峯龕一作龍及丹霞洞縣北十五里桃花洞縣西北二十五里大抵皆以幽奇靈闕得名
姑巖縣西南二十五里一名仙姑巖及丹霞洞縣北十五里桃花洞縣西北二十五里大抵皆以幽奇靈闕得名
括倉

括倉山在台州府西南四十里處州府縉雲縣東南百里山連二郡之境唐六典江南道名山曰括倉山經云高
百迴三西接縉雲東跨仙居南控臨海吳錄云括倉山之登俯視雷雨有棠溪赤溪官溪三水三水皆在縉雲分
流環遶其下四面石壁可容數千人道書以為成亦曰蒼嶺亦名天唐天寶中改名具隱山蓋南境之大山也
金華

金華山在金華府北二十里亘金華蘭谿義烏浦江之境一名長山山嶺有雙峯皆流泉下注與地志長山本名
讀史方輿紀要 卷八十九 浙江 三

于此後說仙為山也志云山高千餘丈周三百六十餘里山嶺雙密曰玉壺曰金盆玉壺之頂有徐公胡胡分兩派一源于山之陽一注于山之陰而為溪泉金盆亦有飛瀑下垂為赤松澗兩巖對峙高數百仞有石橫跨其上瀝流折旋為瀑為唐六典金華江南道名山之一山西南五里曰芙蓉山高千餘丈孤峰獨起秀若芙蓉一名尖祖初下於城駐蹕于此其東有卧羊山即晉赤松子黃初平叱石成羊處其北有山甚峻特峙岷五里之北有鹿田峯去府城二十五里有峯巒野拔又有金華洞壺雙龍三洞朝真居山巔水壺居中雙龍最下相傳與四明天台諸山相通也柳宗元龍城錄云吳錄云長山之南有春草巖折竹巖皆在府北山之西有紫微巖志在府北石室深廣數丈劉峻著書處梁東曰九龍洞志云在府西北三十潛溪之源出焉山之東巖曰上霄洞石壁環抱如城郭或謂之優游洞距城東北又五里曰新洞舊時可入今則否洞始于宋紹興七年故曰新也金華之稱或謂始于天寶間或謂起于蕭梁時

其大川則有浙江

浙江之源有三一曰新安江或謂之徽港班志謂之浙江水源出徽州府西北百二十里之黟山鈴峯經府南東流至竹節磯而入嚴州府淳安縣界經縣南東流六十里而遂安縣境之水流合焉又東九十里而經府城南東陽江流合焉此浙江西出之源也一曰東陽江或謂之婺港水經謂之吳淞源出金華府東南百三十里之大盆山經縣南境而為畫溪西入義烏縣界而為烏傷溪至府城東合于南溪又西流至蘭溪縣西南六里而信安江流合焉此浙江東南別出之源也一曰信安江或謂之衢港亦曰穀和源出衢州府開化縣東北六十里之百際嶺經縣城東謂之

金溪又東南入常山縣境而為金川至縣城東則江山縣文溪之水流合焉又東南經府城北而江山縣南仙霞嶺北諸溪谷之水皆流合焉又東北經龍游縣北四里而為盈川溪亦曰穀溪又東北經湯溪縣北境又東北經金華府蘭溪縣城西而與東陽江合流此浙江西南別出之源也二江既合東北流百餘里至嚴州府城東南二里而與新安江會三源同流東過桐廬縣或謂之桐江又東北入杭州府富陽縣界而為富春江經縣城南又東經府城南而謂之錢塘江東北流入海寧縣界南岸則為紹興府蕭山縣界舊志浙江在臨安府錢塘縣治南十里越州蕭山縣治西二十五里夾岸有山南曰龕北曰赭二山相對謂之海門又東則錢清曹娥之水並匯于紹興府北而為三江海口此浙江

源流之大畧也亦曰浙河山海經曰禹治水至于浙河莊翼云浙河之水壽山浪屋雷擊霆辟有吞天浴日之勢
亦曰漸江水經漸江水出三天子都漢地理志漸江水出黟縣南蠻中亦曰羅刹江志云取風濤險惡之意然而
浙江之名尚矣吳越春秋越王至浙江之上望見大越山川重秀天地再清史記楚威王殺越王無疆盡取故吳
地至浙江又秦始皇至錢塘臨浙江水波惡乃西百二十里從隄中渡後漢建安初孫策引兵渡浙江取會稽晉
咸和三年會稽內史王舒等起兵討蘇峻之亂使庾冰將兵西渡浙江隆安三年孫恩據會稽劉牢之等討之進
臨浙江恩聞之曰我割浙江以東不失作句踐牢之既濟恩遂走入海島隋開皇十年越州高智慧等作亂楊素
擊之智慧據浙江東岸為營周亘百餘里船艦蔽江別將來護見以奇兵潛渡遂破之東南有事未有不以浙江
為襟要者盧肇云浙者折也取潮水出海屈折倒流也燕肅云浙江上游受婺衢歙三港之水水出兩山間盤迴
百折過蕭山入海龕赭兩山之間岸狹勢逼湧而為濤祝穆云浙江之日山居江中潮水投山十折而曲故名浙
江海潮之盛莫過於浙江以其去海至近而江流不足以敵之耳昔因海潮著為圖論者不下數十家大畧卯酉
月朔望之後為陰陽之變氣以變而咸故潮獨大於餘月小則水漸漲不過數尺大則湧濤高數丈每歲八月十八
日為觀濤之候輿程記近志謂潮以曲折而大又云因海開二山阻其怒而大皆非也浙江自發源嶺頭發源山
嶺高峻緣山取道凡十八曲折而上故因以為名夫折當緩阻亦當緩潮之大以浙江三百里即黃公洋自東
廣三百餘里始至大海納以巨澤潮勢固之而盛也盧肇海潮賦所謂夾羣山而遠入以巨澤灌其懷者也
漢以浙江之東皆為會稽浙江之西皆為吳郡兩浙之名實起于此唐六典江南道大川曰浙江上承三州之水
又歷杭睦越三州而入于海自古至今常有漂溢之患唐末諸志所載浙東西諸
郡水患皆浙江漂溢也

浦陽江

浦陽江源出金華府浦江縣西六十里深島山謝惠連云朝發浦陽浦暮宿浙江湄言相近也說文水北曰內又
水相入為內此指
江邊之地而言或云浦水經注浦陽江導源烏傷浦江縣亦東連諸暨與泄溪合今江水經浦江縣南東流入紹
陽江亦名浦陽浦誤矣水經注浦陽江導源烏傷浦江縣亦東連諸暨與泄溪合今江水經浦江縣南東流入紹
興府諸暨縣界自源徂流凡百二十里始通舟楫經縣南折而北流縣境諸水皆流入焉北經山陰縣南分為二
支一西北經蕭山縣東南三十里之臨浦又北折而東經府西五十里之錢清鎮名錢清江又東入于海是錢清
江即浦陽江也亦名西小江今江口為朝沙所逼
其內則為運河亦與錢塘江相隔一自山陰縣東南分為小舜江今名東又東與嵊縣剡溪之下

流合經府東九十二里之曹娥廟而為曹娥江又至北上虞縣西北五里之龍山下而西北折以入于海是曹娥江亦浦陽江分流所匯也禹貢云三江既入章昭以為三江者松江錢塘江浦陽江浦陽之水微矣而亦稱江者以其入于海云

茗溪

茗溪有二源一出天目山之陽經杭州府臨安縣西達縣南而東謂之南溪入餘杭縣界又東流經餘杭縣治南又東流二十七里入錢塘縣界自源徂流凡百八十里始通舟楫潘氏曰茗溪支流大抵自餘杭縣西南二里之南溪以又東北入湖州府德清縣境經縣城東南謂之餘不溪武康縣境又北經府城南合諸溪之水謂之匯為城濠此茗溪之東派也其一源出天目山之陰經孝豐縣東南又北流經安吉州西折而東經長興縣南境溪謂之水皆流至府城西亦謂之茗溪此茗溪之支派也兩溪匯流由小梅大錢二湖小梅湖在府北三十八里大錢湖在府東北三十八里入于太湖又茗溪經湖州府城下分流為運河經府東七十里之潯溪達于蘇州府吳江縣南四十里之營盤湖而與杭嘉二郡之運河合唐天授二年勅錢塘於潯餘杭臨安四縣租稅皆取道於茗溪公私便之然今自餘杭以上漲涸不時未可方舟而濟矣潘季馴曰浙西運河大都發源于天目

太湖

太湖在湖州府北二十八里詳見江南大川

運河

運河三王曾謂此中大業中將東巡會稽乃發民開江南河自京口至餘杭八百餘里後代因而修之以為轉輸之道宋孝宗濬廣之至鎮江運河時都臨安尤以漕渠為先務也宋志運河自臨安北郭務至鎮江江傳言運河自北關至秀州杉青各有腦堰諸水推沿河上塘有小堰數處積久低陷無以防遏水勢兼沿河下岸徑港多其水入長水塘海鹽華亭塘由六里堰下私港散漫悉入江湖以私港深運河淺也若修治上塘小徑港自無北泄之患矣今運河由杭州府之武林驛又北歷湖州府德清縣東三十里舊湖州運道由德清凡百二十里而達嘉興府崇德縣又東北歷桐鄉縣北八里凡八十里而經府城西繞城而北江南松江府之運由嘉善縣以達于府城

百一十里而達嘉興府崇德縣又東北歷柘塘縣北八十里而終府城西北終城子嘉善縣以達于府城
運河又六十里而接江南蘇州府吳江縣之運河此兩浙之運道也

海

浙江以海為境東南必備之險也三國吳永安末魏將王雅浮海畧勾章而去五代時吳越與淮南相攻屢以海道為角逐之所又吳越入貢每自海出登萊抵大梁至于不逞之徒如晉之孫恩唐之裘甫皆恃海濱僻遠一旦竊發東南柔脆為之震盪南宋以臨安為行在而海道之防尤切紹興二年敵人分屯淮揚軍海州樞臣慮賊若以輕舟南來蘇洋之南海道通快可以徑趨浙江詔遣官相度中丞沈與求言海舟自京東入浙必由泰州石港見江南通州科角陳貼通明鎮等處通見江南次至平江南北洋次至秀州金山見松江府金山鎮次至明州向頭今寧波縣向頭巡司是也又聞料角水勢湍險倘于石港料角等處拘東水手優給庸直而存養之以待緩急之用彼亦安能衝突呂頤浩言敵舟從大海北來拋洋直至定海此浙東路也自通州入料角放洋至青龍港見江甯縣定縣又沿流至金山村海鹽縣直泊臨安此浙西路也望分設沿海制置司管淮東浙西及浙東福建路從之而海道之窺伺蓋少元末方國珍發難依海為險明初經畧東南國珍既平命湯和由海道取福州洪武二年招徠遠夷設市舶提舉司于寧波為日本之貢道而奸萌漸作十六年絕其貢獻使湯和經畧海上預為之防永樂三年復許入貢至嘉靖中防維益懈奸商伺隙流毒東南而海道之防于是日密懲前愆後勢固然也防險說云浙江之源始于黟之林厓山見江甯縣出于此一線之微合流萬壑終於錢塘江之蟹子門而入海故蟹子門者乃省城第一門戶石墩鳳凰外峙乃第二門戶此外無山鳳凰山見惟羊許獨立海中東接衢洋西控吳淞江口為第三門戶許二山有防然後石墩鳳凰有蔽然後錢塘蟹子門可守此其大畧也沙起錢塘東至吳淞曾無間斷海外諸沙亦向北而轉惟平坦延曠故賊皆可登是蘇松杭嘉四府連壤一脈利害安危輔車相依者也今欲求錢塘無虞當守附海之三關欲求三關寧謐先防大海之羊許但羊山孤懸大海去乍浦太遠我舟楫此設遇東北颶風賊舟便捷彼此齊驅勝負難必許山巖門淺狹止可避東南之風賊乘東北風利我開舟擊之當虞並駕次者金山衛城西灣沙塗頗軟可暫停舟但遇東南風亦未易出惟海鹽白塔山去秦駐山不遠四風皆便

賊若由大洋而來隨處可擊是海監一關尤四面之控制也總而論之賊由北洋經蛇山茶山其患必犯吳淞然吳淞之口北向舟難逆出必藉崇明等沙兵船以禦之賊由東洋經陳錢馬蹟犯寧定者必藉衢山馬墓兵船以禦之賊由南洋經韭山烏沙門犯昌國臨觀者必藉舟山烈港兵船以禦之若由羊山直進犯海鹽者必藉乍浦三關兵船以禦之是防海之總要也又曰列郡之海口有温州之飛雲橫陽館頭台州之松門海門寧波之定海大決湖頭渡紹興之三江泗門杭州之龔山赭山嘉興之乍浦澈浦皆倭寇窺犯之地列郡之門戶也海洋之要害有金鄉盤石衛之鳳凰山南麂山松門海門衛之大陳山大佛頭山昌國衛之韭山定海衛之舟山遠而陳錢馬蹟山臨海觀海衛之烈港海鹽衛之羊山許山皆倭寇必經之地沿海之藩籬也又曰陳錢羊山浙直共守之門戶也陳錢山在舟山普桐山流江閩浙相依之唇齒也蓋倭從彼國開洋必徑抵陳錢山歇潮候風集艘分犯若遇東南風高則望羊山以犯蘇松浙西東南風和則望韭山朱家尖門在舟山東以大佛頭三山鳳凰山以犯台溫東北風急則越桐山流江以入閩此巡哨者所當究心也屠仲律云守平陽港拒黃華澳據海門之險則不得犯溫台塞寧海關絕湖口灣逼三江之口則不得窺寧紹扼驚子門則不得近杭州防吳淞江脩劉家河則不得掩蘇松嘉興矣俞大猷曰水戰最難舟在海中此船安穩一違其宜則不戰而自敗洞曰長塗曰高丁港曰沈家門曰舟山前港曰岑港曰烈港曰定海港曰黃岐港曰梅港曰湖頭渡曰石浦港曰猪頭島曰海門港曰松門港曰蒼山島曰王環山梁島等島曰楚門港曰黃華港曰江口水寨曰大畝曰女兒畝中等安穩可避兩面颶風者凡一十八處曰馬來港曰長白港曰潘門曰觀門曰竹齊港曰石牛港曰烏沙門曰桃花門曰海關門曰九山曰將溪畝曰牛欄基曰旦門曰大陳山曰大床頭門曰鳳凰山曰南麂山曰甌畝其餘下等安穩只可避一面颶風如三孫山衢山之類不可勝數必不得已寄泊一宵不得久恐風反別汎必不能支矣至潭岸山灘山許山之類皆圍土無巢一而之風亦所難避可不慎乎其重險則有仙霞

仙霞關在衢州府江山縣南百里仙霞嶺上又南至福建浦城縣一百二十里為浙閩往來之衝要或曰仙霞嶺即古泉山也杜佑曰泉嶺山在衢州信安縣西南二百里漢朱買臣云南越王居保泉山一人守險千人不能上今其山周圍百里皆高山深谷登之者凡三百六十級歷二十四曲長二十里唐乾符五年黃巢破饒信歙等州轉畧浙東因刊山開道七百餘里直趣建州即此嶺也宋紹興中史浩帥閩過此募人以石甃路自是鑄除鏃削

舊時險阨稍就寬平凡自浙入閩者由清湖渡舍舟登陸清湖渡在江山縣南十五里連延曲折逾嶺而南至浦城縣城西復

舍陸登舟以達于閩海中問二百餘里皆謂之仙霞嶺路誠兩浙之衿束八閩之咽喉也南行記仙霞之為嶺一

而南北有名之嶺凡五仙霞之為關一而東西有名之關亦五所謂五嶺者一曰窰嶺在仙霞北十五里一曰茶

嶺在仙霞南三里一曰小竿嶺在仙霞南八里一曰大竿嶺在仙霞南三十六里一曰梨嶺在仙霞南五十六里

俗名五顯嶺也此皆往來登陟之道與仙霞為六大嶺盤紆峻拔岡麓相接六嶺之旁大山深合接岫連峯不可

勝紀大約東接處州西亘廣信林巒綿錯畧無斷處窰嶺之北又有蘇嶺及馬頭嶺從浙之閩南出仙霞者此為

自平而高之漸馬頭嶺在清湖南七里高不過尋丈又蘇嶺去窰頭峯勢突起旁瞰平疇村落墟里厯厯可數山下

卻因行近仙霞則高峯插天旁臨絕澗沿坡並壑鳥道縈紆隘處僅容一馬至閩嶺益陡峻拾級而升駕閣凌虛

登臨奇曠蹊徑回曲步步皆險玉關劍閣彷彿可擬誠天設之雄關也又南而茶嶺松篁相接夷險相乘即仙霞

之支隴志謂之鎔山又云山城如仙霞之稍南曰楊姑嶺去茶嶺里許又南即大竿嶺西達廣信突然高峰南去小

竿嶺二十里志云小竿嶺其間坡陀曠衍民居絡繹寬平處可屯列萬騎大竿嶺南七里曰廿八都最為平曠小

竿嶺崔巍雄峻延袤十餘里北麓童然隆起無林巒之勝引而南復有一峯傑出謂之楓嶺楓嶺北為浙閩分疆

之處輿程記浙閩分界處地名南樓相距不過數武而物候榮落頓覺不同沿嶺而趨長松曲澗夾道相屬其險窄處伐木為關

以便行者蓋亦要隘之地矣舊制設營于此為戍守處居人曰楓嶺即小竿南麓之異名其實止一嶺耳楓嶺去小竿嶺

五里嶺勢相接也俗傳舊植竿于嶺上故有大竿小竿之稱小竿盤紆最遠北趨婺州西達信州皆可以取途云自楓林又南十五里即梨嶺

矣梨嶺高峯連雲前橫大聲傍巖飛閣大類仙霞其危巖仄徑真足令一夫當關千人自廢蓋梨楓嶺由七閩而

言又為仙霞之內險也由梨嶺益南二十餘里是為魚梁嶺嶺不甚高過魚梁則原隰勻勻去險而就平矣蓋六

大嶺之險止在七十里餘之中故皆可以仙霞目之也五關者一曰安民在仙霞東南三十五里路通處州府遂

昌縣關屬江山縣界一曰二渡關在仙霞西南八十里路通江西上饒永豐縣關在浦城縣西北一百一十五里路通處州府遂

仙霞西南六十里關在二渡關東北其地亦屬浦城一曰黃塢關在仙霞西南五十餘里路皆通永豐關屬江山縣界一曰六石關

在仙霞西南三十五里以六石巖而名巖中巨石路通江山縣及廣信府之玉山縣關屬永豐縣與此皆江浙往來之閘道與仙霞其為六關土人有仙霞六關之稱然六關之中惟二渡關山溪環匝路容單騎從江右廣信入

閘可以取徑于此入閘則取途而東竟出楓嶺之南而仙霞不足恃矣二渡關以楓嶺諸山之水遠出閘下關東南出之道然其地皆崎嶇險仄自古用兵者未常出此其安民木城諸關皆迂僻深險艱于登陟非經途所在也

城限門關在二渡關南三十餘里關屬江山縣界路通浦縣峯陽關在二渡關西三十里閘當永豐崇安之界亦以崇安八關之一峯陽要隘各以關名者隨地多有也要以仙霞為南服之雄地有常險古今不易矣

獨松獨松

獨松關在杭州府餘杭縣西北九十里獨松嶺上自天目山而北重岡結澗迴環數百里獨松嶺傑峙其中嶺路險狹東南則直走臨安西北則道安吉趨廣德為江浙二境步騎爭逐之交東南有事此亦必爭之地也唐武德

四年時李子通據餘杭錢塘縣也杜伏威將王雄誕擊之子通以精兵守獨松嶺雄誕遣別將千人乘高據險逼之多設疑兵子通通走宋建炎三年元末自廣德過獨松關見無戍者謂其下曰南朝若以羸兵數百守關

吾豈得渡哉德祐元年以元兵漸迫遣將列戍要害命羅琳戍獨松關元將阿剌罕自建康分兵出廣德四安鎮見湖州府志

犯獨松關遂陷之臨安震懼其與獨松相近者又有百丈關在縣西北八十里百丈嶺上北與湖州安吉州分界其地有又有幽嶺關在安吉州界離孝豐縣東南三十里幽嶺上其東南亦與餘杭縣分界

謂之獨松三關元至正十二年徐壽輝將頂普畧等屢犯杭州攻獨松百丈幽嶺三關童搏霄擊之以兵先守雙溪在餘杭縣西北三十里俗本誤為多溪雙溪者三關要路也既又分為三軍一軍出獨松一軍出百丈一軍出幽嶺然後會兵擣

賊巢遂乘勝復安士又進克廣德平徽州蓋自昔為險要之地矣

昱嶺

昱嶺關在杭州府昌化縣西七十里西去江南徽州府百二十里嶺高七十五丈地勢險阻右當歙郡之口東瞰臨安之郊南出建德之背置關于此蓋三郡之要會也元至正十二年徐壽輝遣項普畧等掠徽饒信諸州遂陷